

共八本

鳳凰廳續志

卷之二

一、
二、
三、
四、
五、
六、

鳳凰廳志續纂凡例

一鳳凰有志肇自乾隆丙子距設廳時既五十年政教修明令文敷播討稽研鍊甚費經營時唯楊潘兩郡伯謀其始張黃二觀察綜厥成於是綱舉目張專書始具暨於道光甲申更得孫秋崖黃柳橋兩先生以名區碩彥忝訂彙修通將建置源流制度典章山川封域以及民苗風氣治亂襍祥莫不別類分門燦然明備後有作者但識遵途繼武弗蔓弗遺雖授簡幹才猶堪託綴咫聞非肆妄希方駕也

一前志自星野以迄藝文分綱二十有一條目附焉夫

以巖疆偏僻文獻鮮徵其間掇牢採掇之繁斟酌翦
裁之當叙辭爾雅品節詳明彙隨當代鴻篇諒無遺
議就中屯防兵防苗防諸大政尤爲籌邊取鏡所必
資茲撰續編因仍舊志舊書完備者如星野輿圖治
革城池田賦風俗物產諸門可弗另增但將月次後
先稍爲移置首詳典禮學校崇文治也次續屯防以
下申武備重封疆存政蹟示民彝也藝文惟有專集
者附記本人傳叙之末其餘韻語詞章並皆節省
一前志各門提要俱有小序冠其端意以明制作之因
由述事情之歸宿故編雖屢輯製必胥同而舊序亦

存而不廢茲刻名標續纂體異更張所述所添遞附
各門之後則是詮章釋旨已具原編引首弁言概當
從略

一屯防奏定章程垂爲永制閱時旣久不無變通廳境
跬步皆山厯來戰士驍騰邊垣鞏固墾丁關練已云
部署攸宜至於官庶土田窪則愁霖高則畏旱倘值
蛟洪夏泛魑虐秋驕野夫終歲勤勞徒自憂傷嗷泣
此民苗屯租蒂欠咸耽望夫勸減追逋者我也

皇上念切民依每逢 慶典偏災頻施賑豁疆吏仰承

慈厯隨將厯屆帶徵緩徵無徵各款據實披陳或由熟諳

邊事之京官條疏積弊勤求靡已故溯道光甲申以

後蒙

恩豁免積年佃欠者五次臺卿奏請清蠲並通減額租一成者共四次此外水衝沙壓臨時奏報緩免歲徵者更不一而足然屯租既少經費自虧用餉不敷計惟仰津貼爲墊補始抽漢商生息原希久遠之圖不期鹺本蕩然遂復仍提司帑多方挹注尙苦虛懸及至停繕修省員吏裁義館且將廉外雜支變銀而穀公餘領項搏發六成則屯防非復曩時寬裕矣矧循時異舉廢因殊茲編謹於屢減倉供動煩籌措按詳觀

縷一以彰

皇恩之如天一以迪綢繆於未雨兵農利賴可無念諸

一駐鳳兵防最稱精練陣圖材勇擅勝湘西總緣地阨
邊陲鬱盤礪确營汛額兵旣眾丁男託習謀生服佩

觀摩蔚爲風尚屈計頻年遣調數十百起之多咸能
懋建殊庸宣威閩外不但星羅棊布周衛苗疆近徼
也卽以防邊而論自乾隆六十年頑苗不法再逢乙
卯復罹銅仁會匪之殃時黔中防薄寇深大滋延擾
抄我旁邑犯我鎮城賴諸文武和衷紳民協力調軍
籌餉制勝出奇再期之間不惟莫復屬城抑且超收

鄰郡此平苗以後再清邊釁重保無虞者也嗣是粵
黔諸賊間涉藩籬均皆隨地勦防不致久淹師旅雖
曰軍威將略實荷嚮年戎韜屯政籌善備多俾繼踵
登壇得資藉手茲編後志毋忘追感前徽也

一職官與鄉宦前志文職編列巡檢以上武職守備以
上茲悉照依增續惟花翎藍翎賞自

特恩無論大小官階例得備書以昭勳寵溯查道光壬辰

一征徭後官弁兵勇迭次立功耀首增華多至不勝指

數茲叙官紳翎枝除隨本銜具列外凡弁丁鄉勇查

有公牘可憑者亦得附存志中或虞籍貫參差異時

童試仍由廩保確切查明所著姓名不得援爲口實
一苗防經定制委官增學以來守汛曰土備土弁附庠
曰新生新童稚左陸梁盡祛頑俗衣冠禮度普被華
風蚤年兩粵軍興徵提漢土官兵隨方撲勦諸苗服
習戎師節制奮勉圖庸並荷甄褒彌崇整飭故近日
旃麾樹望轉益多材文階則道員兼都轉之銜武秩
則副閫握綠營之篆雁銜雲擁孔翠星攢猗歟盛矣
前編苗防志但著選舉一門茲用擴充添志官宦忠
烈保舉議叙間及耆年庶昭

聖治仁風潛移默化度越干羽七旬之格雖免置駟鐵不

容擅美於前亦以驗官司播教之勤里社鍾培之篤
俾諸新籍互相觀感作範將來夫豈徒侈聲華誇績
業故爲屬彝塗飾云爾哉

一前志告成後迄今四紀見聞情事日遠日多近時採
訪間出從前所未登者均經據報查明分條繕列內
或畸零要件量附別門如

萬壽宮

俗稱
皇殿

則歸於典禮志名宦諸公生祠則歸於壇

廟志民戶丁口籌備勸捐銀穀則歸於屯防志賓興
佃租則歸於學校志其餘營繕增置統歸公署等志
雖云牽涉究屬以類相從至於察行誼必致其嚴書

壽年無嫌於廣是又微拓舊規也更有往年兵練求寬扣餉小露紛紜適因查辦失宜遂致釀成巨案禍由迫激事非倡變可不專書謹於鎮道楊姚諸公名宦傳中備疏端委非敢僭越史法庶期不沒其真耳

一 籌修續志溯惟廳境土田大半均充養勇兵農互助耕戰相資邊宇乂安期逾再世黎庶飲和食德允宜康樂成書顧詮次告成有未易者省垣通志之徵初奉文於同治戊辰夏是時黔烽屢警戍務殷繁冗匱匆忙但寄前刻志書應命其志後四五十年應較應增弗遑計也壬申秋杪復奉委員催辦始議續修設

局遲餘四稔蓋懼年深事頤費鉅時艱集腋操觚均
難其選茲幸仰承 宗匠提唱主持揀汰羣言續完

後集駢登 策 不僅型方訓俗裨化一時已也

謹按續修廳志設局於同治壬申九月彙纂於癸
酉三月脫稿於甲戌仲冬因捐資未集暫緩開雕
其職官事蹟有應增在光緒元年者一皆隨時增入

對中前編編委我定當勉史書思慎不究其具耳

由是... 不重書... 公...

竟... 小... 因... 決... 廷... 察...

書... 無... 賦... 效... 與... 文... 給... 因... 督... 派... 出... 只... 有... 三... 等... 具... 詳... 矣

鳳凰廳志續纂姓氏

鑒定

花翎鹽運使銜分巡湖南辰永沅靖兵備道杜瑞聯

花翎鹽運使銜署理分巡湖南辰永沅靖兵備道陳寶箴

掌修

花翎道銜湖南寶慶府知府前任鳳凰直隸廳同知侯可晟

知府銜署理湖南鳳凰直隸廳同知耿維中

監局

卽選知縣鳳凰直隸廳教諭管訓導事陳鳳喈

藍翎候補知縣署理鳳凰直隸廳經 歷周 昺

總理

花翎鹽運使銜卽選道振勇巴圖魯羅建章

花翎記名提督頭品頂戴貴州古州鎮總兵萬壽樹世襲雲騎尉額騰伊魯劉士奇

纂輯

藍翎同知直隸州用遇缺先選知縣丁酉科拔貢黃河清

同纂輯

歲貢生候選訓導陳宗歐

分纂兼理局務

花翎道銜分發江西分缺先用知府李家麟

藍翎運同銜分發四川分缺先用同知田湧泉

校訂

花翎道銜 卽選知府傅巖

知州銜遇缺先選知縣王國英

知州銜遇缺先選知縣向聰謀

花翎知府銜 卽選同知朱廷桂

花翎鹽運使銜 卽選道前補福建漳州雲霄同知吳自烈

花翎道銜 留黔補用知府楊逢新

花翎運同銜 浙江候補知縣楊正暉

花翎貴州古州鎮總兵固勇巴圖魯楊巖寶

藍翎 卽選訓導劉大松

藍翎同知銜卽選知縣戴調元

卽選訓導歲貢生田興觀

卽選訓導勝家仁

歲貢生王奠邦

分校兼本城採訪

六品銜卽選教諭勝青雲

藍翎卽選知縣田興茂

卽選從選九周壽昌

卽選訓導劉宗清

廩生趙樹榮

生

採訪

員梁開棟

廩生楊正嚙

生員楊靈光

生員楊淑光

生員滿邦羅

生員任大權

生員田與穗

生員田式穀

生員田應鑣

生員王國基

生員滕代興

生員楊通機

生員劉可治

生員莫標

生員周慶麟

生員楊再庠

生員舒道明

生員秦繼賢

生員田興禮

生員韓子才

武生傅萬年

監生蕭方華

童生田慶恩

童生王茂元

藍翎儘先守備曾志榮
藍翎候補守備田宗烈

膳錄

生員傅鴻賓

廩生戴式藩

童生黃正垣

童生滕兆松

鎮標中營書識藍翎卽補外委揭正光

承辦冊案

辰沅道屯防

總 屯

長 務 青 綬

道

科

書

吏

蕭道謙
唐清

屯

防

書

吏

龔承生
田澤昶

鳳 凰 廳 衙 門

吏 戶

房 書

吏

劉大隆
羅開震

禮兵

房

書

吏

劉士暉
李必蘭

屯

防

書

吏

李家培

鎮守中衛衙門吏房經書藍翎儘先把總聶正榜

中營守備衙門

兵吏

房經

書

唐正云
蔣士元

後軍守備衙門

兵吏

房經

書

唐光顯
楊遇芳

左營守備衙門

兵吏

房經

書

舒正安
劉雲章

右營守備衙門

兵吏

房經

書

楊再坤

前營守備衙門

兵吏

房經

書

田興隆
王柳林

道標北關守備衙門經書

洪省明
田興奇

蓋法德先守備實志來... 益細候... 備...

以繪... 公關... 安... 海... 門... 書...

... 海... 門... 書...

... 海... 門... 書...

... 海... 門... 書...

... 海... 門... 書...

中... 海... 門... 書...

... 海... 門... 書...

... 海... 門... 書...

... 海... 門... 書...

鳳凰廳志續纂目錄

第壹本 乾

卷首 序 凡例 姓氏 目錄

卷一 典禮志

卷二 學校志

第貳本 坎

卷三 山川志

卷四 壇廟志 鄉官志

第叁本 艮 兵戎志

卷五 屯防志

鳳凰鳳志
第肆本 震

卷六 兵防志

卷七 公署志 職官志

卷八 名宦志

第伍本 巽

卷九 選舉志

卷十 鄉宦志

襲廕 文職 武職 附翎枝 封典

第陸本 離

卷十一 人物志二

儒行 德品 忠烈

第柒本 坤

鳳凰鳳志

卷十二 人物志二

武功 懿行

卷十三 新籍志

第捌本 兌

卷十四 引年志

卷十五 列女志

卷十六 雜述志

賢媛 節孝 節烈 貞烈 貞孝

流寓 補遺

第...本

兵防志

城守志

卷十六 城守志

附錄

卷十五 文志

賀

附錄

卷十四 兵防志

卷十三

卷十二 城守志

卷十一 文志

附錄

我廳續修廳志初奉文於同治戊辰夏維時黔烽屢警有志未逮壬申秋杪復奉委催辦始議續修至甲戌仲冬始脫稿焉因捐資未集不能開雕事中止殆光緒八年起代庖夷州廳丞汪文軒司馬與總辦賓興之朱馨山會函將廳志續稿八本專丁送阡任不久超亦卸事將書攜帶去爰議由廳中措辦二三百金以資借助超倩麻邑候選訓導田芋仙校勘以防錯訛周年始就緒丙子夏約同吳誠齋廉訪林階平鎮軍覓匠鑄板時廳費未寄吳亦督工烏江橋次遂將階平捐助賓興銀百兩動用卽函知我廳學中之董理賓興者登收林欸超又不時支給梓工板遂早

成丁亥吳廉訪作古戊子春與張翊卿世兄商倩渠幕庭
鄒寶余孝廉再行閱看有誤寫錯訛字眼及冗長句法刪
改之是年冬鄒又帶病解館回籍不久下世事亦寢今春
林階平在任亦下世則執事者更無其人秋間超復司甕
釐因飭梓人將書寄局公餘得以過目幸鄒手已校勘過
半超逐加緝閱增刪無幾卽飭匠領本補讎約刷數十部
並板送廳以藏其事至於補修光緒以後之事蹟則俟後
來之君子續纂焉茲幸告成特叙其原委如是所墊之金
容當與翊卿各鄉人籌議有着另行開載耳

光緒庚寅小陽月叙於貴州杜邑甕江釐次

鳳凰廳志續纂卷之二

典禮志

慶賀禮

謹按前志典禮自慶賀以迄廟祀爲目凡七久經恪守遵行道光六年前巡道張映蛟謹度南郭吉區修建

萬壽行宮嗣是舉行慶賀典禮凡元旦冬至

萬壽聖節及開讀

詔書在城文武官紳始得地以展敬抒虔其一切服章儀注均於前志載明茲將建置規模工程經費及監理

督工文武各官銜名備悉臚陳爰登續志以示拱

辰歸

極率循必統於所尊云

萬壽宮在南城南關內稍西正中

大殿三間南向 前楹榻扇 周圍夾道 殿基下爲

露臺丹陛 東西側階城級如式 露臺下爲丹墀

東西朝房各五間 丹墀南向正中爲

二宮門平列三門金漚獸環前後階級如式 二宮門

外東西外朝房各三間南向正中爲

頭宮門平列三門金漚獸環前後階級如式 頭宮門

外爲甬道面對照牆 甬道左爲東華門顏以就日

二字 右爲西華門顏以瞻雲二字俱品檐四注門

居正中 外垣紅牆周繞共長七十八丈五尺

共用地價工料銀三千六百八十一兩九錢三分

捐修官

湖南辰永沅靖道 臣張映蛟

監修官

湖南鎮筭鎮總兵 臣陳階平

署湖南辰永沅靖道 臣蔣紹宗

湖南鳳凰直隸廳同知 臣黃應培

迎春禮 儀注已載前志補錄春牛芒神制度

土牛式

土牛胎骨用桑柘木 身高四尺象四時 長三尺六寸象三

百六頭至尾長八尺象八節 尾長一尺二寸象十 鞭用二月

柳枝長二尺四寸象二十四氣 牛尾以年干為頭色支為

身色納音為腹色如甲子年干屬木色青支屬水色黑納音屬金色白餘倣此

立春日干為角耳尾色支為脛色納音為蹠色陽年

牛口開尾左麾陰年口合尾右麾拘鼻用桑柘木繫

繩視立春日支寅申巳亥日用麻子午卯酉日 造牛用苧辰戌丑未日用絲鞭繩同

以冬至後辰日於歲德方取水土甲巳兩年東方甲位乙庚兩年西方

庚位丙辛兩年南方丙位丁壬兩年
北方壬位戊癸兩年東南方戊位
歲前立春芒神

執策當牛肩元旦後立春當牛腹上元後立春當牛

膝示民農事早晚

芒神式

芒神高三尺六寸五分象三百六十五日老少視年支寅申巳亥

年老子午卯酉年壯辰戌丑未年幼服色視立春日支衣色用克支帶色用支生如子

日屬水土克水衣色黃水生木帶色青頭髻視立春日納音納音屬金平梳兩髻

皆在耳前屬木皆在耳後屬水左前右後屬火右前左後屬土在頂直上罽耳視立春日

子丑全戴寅揭左亥揭右卯至戌則手提陽時左提陰時右提行纏鞋袴視立春日

納音水俱全金左行纏懸於腰木右行纏懸於腰土有袴無行纏及鞋火俱無陽年立牛

左陰年立牛右歲前後五日內立春芒神立與牛並
歲前五日外立春則立牛前歲後五日外立春則立
牛後

迎 儀注已載前志補錄祝文

致祭於

天喜神之位前曰維 神位嚮離明功宏兌說相見爲喜
隨時有欣暢之情體物乃神到處普陽和之福茲當
履端伊始特隆迎喜之儀瑞氣祥風拂旌旗而有耀
卿雲霽日被鵷鷺以咸欣三軍之壁壘維新封圻永

靖四序之雨暘時若豐稔頻書兵民遵道路而歡忻

苗土戴

恩威而感沐南紀之民安物阜喜溢

天顏

九重之甘露和風

恩來湘楚凡茲喜氣悉荷

神庥謹蠲吉而告虔冀

神明之昭鑒尙

饗

霜降耀軍禮

每歲霜降總鎮巡道兩標將士整飭軍容各赴教場
行秋獮禮先一日清晨迭升信炮者三既午內署設
皋比做轎鋪安戎裝甲胄中軍官吉服哨司各弁戎
服帶領大隊次第先行全副鹵簿導引戎轎並出西
郊轉至教場恭設六燾軍牙神位分營接部排支
帳幄互作軍中鼓樂迨晚嚴更警夜大令周巡至子
時時籌傳五匝各官齊集演武廳行祭告禮上香奠帛
軍天爵行三叩首禮讀祝文望燎俱如常儀祭後環營演
放排鎗三次撤帳房兩標大隊鹵簿仍導戎轎回城

至署稟安戎燾禮畢

霜降祝文

致祭於

軍牙六纛尊神位前曰維

神涵育金精細縕玉質主宰筦三秋之橐威靈乘九月

之權矧稽形勝於楚邊聲傳刁斗特耀寒光於算旬

隊列貔貅將令肅以五申謹香薰而一瓣從此攻車

同馬過寒露而師律彌嚴况復犴草蠻花釀瑞雪而

豐年有兆尚

饗

霜降原祝文 維

神職司軍旅福佑戎行威靈赫濯令肅秋霜諸夷懾服
滅寇恢疆撫順勦逆克紹順昌仰資助助我武維揚
微儀不腆惟德是將

神其昭格鑒此馨香尙

饗

春秋開操禮

每歲春秋二仲月中旬鎮道兩轅牌示十五日開操
屆期選用吉時出吉方官弁戎服率領大隊鹵簿如
霜降耀軍禮無戎轎並赴教場各官齊集演武廳奠
祭旗纛尊神如常儀環營演放排鎗三次官兵隊

伍回城至署稟安 戎纛禮畢

開操祝文 維

神赫濯三湘護持二廣整當風而耀彩龍噴霧以羅文

矧臨三楚之邊防尤奉一麾為指使五申雷動將肆

蒐苗萬甲霜寒必詹主宰爰修春秋祀藉展微忱伏冀

旌旗飛揚俾子弟咸嫻部伍定卜羽毛豐滿奉螯弧

蘇同奮陣隄尚

饗

廟祀禮

謹按禮崇廟祀粵稽直省惟春秋仲月上丁致祭

先師孔子廟庭大備聲容盛陳樂舞其他千壇壝薦享不
與存焉典至重也咸豐初年奉

青加尊

關聖大帝

文昌帝君升入中祀增添佾舞樂章於以昭誠敬而答
神庥

異數優頒夙超千古恪查前志春秋致祭

文廟僅載儀注陳設而六成樂章歌辭並附祠祝文未經
大相編列又兩廡從祀先賢先儒位次近多增易茲

遵禮部移改奏定通行案內敬謹續編

春秋仲月上丁致祭

先師孔子樂章

文廟迎

神聖昭平之章

軒和哉

孔子先覺先知與天地參萬世之師祥徵麟紱韻答金絲

關聖日月既揭乾坤清夷

賦尊初獻奠帛 宣平之章

子懷詩典至重此氣豐際平奉

明德玉振金聲生民未有展也大成俎豆千古春秋上丁

清酒既載其香始升異禮畢教誨一人公服請利致

亞獻

秩平之章

式禮莫愆升堂再獻響協鼓鏞誠孚罍甌肅肅雍雍

譽髦斯彥禮陶樂淑相觀而善

終獻

叙平之章

自古在昔先民有作皮弁祭菜於論思樂惟

天牖民惟

聖時若舜倫攸叙至今木鐸

徹饌

懿平之章

先師有言祭則受福四海覺宮疇敢不肅禮成告徹毋疏

亦唯毋瀆樂所自生中原有菽

送

神

德平之章

冕繹峩峩洙泗洋洋景行行止流澤無疆聿昭祀事

祀事孔明化我烝民育我膠庠

謹按

大清通禮內載直省府州縣附廟左右各建

忠義孝弟

節孝

名宦

鄉賢四祠歲春秋釋奠禮畢教諭一人公服詣祠致
祭內名宦鄉賢二祠祝文各省州縣所在異辭不悉
載查鳳凰前志祭品儀注俱經開叙其志載祝文僅
有 名宦一祠 鄉賢祠位尙虛茲將 忠義孝弟
暨 節孝二祠舊頒祝文照抄補列以備叅稽
維某年月日某官某致祭於

忠義孝弟之靈曰維

靈稟賦貞純躬行篤實忠誠奮發貫金石而不渝義
問宣昭表鄉閭而共式祇事懋彝倫之大性摯莪蒿
克恭念天顯之親情殷棣萼模楷咸推夫懿德

東廡

先賢公孫僑

國朝咸豐七年從祀西廡同治二年移祀東廡

先賢林放

唐開元二十七年從祀明嘉靖九年改祀於鄉國朝雍正二年復祀西廡同治二

年移祀東廡

先賢原憲

唐開元二十七年從祀

先賢南宮适

唐開元二十七年從祀

先賢商瞿

唐開元二十七年從祀

先賢漆雕開

唐開元二十七年從祀

先賢司馬耕

唐開元二十七年從祀

先賢梁鱣

唐開元二十七年從祀

先賢冉孺 唐開元二十年從祀

先賢伯虔 唐開元二十年從祀

先賢冉季 唐開元二十年從祀

先賢漆雕徒父 唐開元二十年從祀

先賢漆雕哆 唐開元二十年從祀

先賢公西赤 唐開元二十年從祀

先賢任不齊 唐開元二十年從祀

先賢公良孺 唐開元二十年從祀

先賢公肩定 唐開元二十年從祀

先賢鄒單 唐開元二十年從祀

唐時式祀用陳尊蓋不格凡

先志完貞全閭中之亮節

如少襲而彌望清操自勵奉

先儒位次

先賢罕父黑 唐開元二十年從祀

先賢榮旂 唐開元二十年從祀

先賢左大郢 唐開元二十年從祀

先賢鄭國 唐開元二十年從祀

先賢原亢 唐開元二十年從祀

先賢廉潔 唐開元二十年從祀

先賢叔仲會 唐開元二十年從祀

先賢公西與如 唐開元二十年從祀

先賢邾巽 唐開元二十年從祀

先賢陳亢 唐開元二十年從祀

先賢琴張 唐開元二十年從祀

先賢步叔乘 唐開元二十年從祀

先賢秦非 唐開元二十年從祀

先賢顏噲 唐開元二十年從祀

先賢顏何 唐開元二十七年從祀明嘉靖九年罷國朝雍正二年復祀

先賢縣亶 國朝雍正二年從祀

先賢牧皮 國朝雍正二年從祀西廡同治二年移祀東廡

先賢樂正克 國朝雍正二年從祀

先賢萬章 國朝雍正二年從祀

先賢周敦頤 宋高祐元年從祀

先賢程顥 宋淳祐元年從祀

先賢邵雍 宋咸淳三年從祀

先儒公羊高 唐貞觀二十一年從祀

先儒伏勝 唐貞觀二十一年從祀

先儒毛亨 國朝同治二年從祀

先儒孔安國 唐貞觀二十一年從祀 原祀西廡 國朝同治二年移祀東廡

先儒后蒼 明嘉靖九年從祀

先儒鄭康成 唐貞觀二十一年從祀 明嘉靖九年改祀於鄉 國朝雍正二年復祀西廡 同治二年移祀

先儒范甯 唐貞觀二十一年從祀 明嘉靖九年改祀於鄉 國朝雍正二年復祀西廡 同治二年移祀

先儒范甯 唐貞觀二十一年從祀 明嘉靖九年改祀於鄉 國朝雍正二年復祀西廡 同治二年移祀

祀東廡

先儒陸贄

六年從祀國朝道光

先儒范仲淹

十四年從祀國朝康熙五

先儒歐陽修

年從祀明嘉靖九

先儒司馬光

宋咸淳三年從祀原祀西廡國朝同治二年移祀東廡

先儒謝良佐

十九年從祀國朝道光二

先儒羅從彥

明萬曆四十二年從祀

先儒李綱

國朝咸豐元年從祀西廡同治二年移祀東廡

先儒張栻

宋景定二年從祀原祀西廡國朝同治二年移祀東廡

先儒陸九淵

明嘉靖九年從祀原祀西廡國朝同治二年移祀東廡

先儒陳淳 國朝雍正二年從祀

先儒真德秀 明正統二年從祀原祀西廡 國朝同治二年移祀東廡

先儒何基 國朝雍正二年從祀西廡 國朝同治二年移祀東廡

先儒文天祥 國朝道光三十三年從祀 國朝同治二年移祀東廡

先儒趙復 國朝雍正二年從祀

先儒金履祥 國朝雍正二年從祀西廡 國朝同治二年移祀東廡

先儒陳澧 國朝雍正二年從祀西廡 國朝同治二年移祀東廡

先儒方孝孺 國朝同治二年移祀東廡

先儒薛瑄 明隆慶五年從祀原祀西廡 國朝同治二年移祀東廡

先儒胡居仁 明萬曆十二年從祀

先儒羅欽順
二國朝雍正
二年從祀

先儒呂枬
二國朝同治
二年從祀

先儒劉宗周
二國朝道光
二年從祀西
二國朝道光
二年移祀東
庶

先儒孫奇逢
二國朝道光
八年從祀西
二國朝道光
二年移祀東
庶

先儒陸隴其
二國朝雍正
二年從祀西
二國朝雍正
二年移祀東
庶

先儒西廡

先賢蘧瑗
二唐開元二十
七年從祀明
嘉靖九年改
祀於鄉
二國朝雍正
二年復祀東
庶同治二年
移

先賢西廡

先賢澹臺滅明
二唐開元二十
七年從祀原
祀東
二國朝同治
二年移祀西
庶

先賢宓不齊
二唐開元二十
七年從祀

先賢公冶長 唐開元二十年從祀

先賢公皙哀 唐開元二十年從祀

先賢高柴 唐開元二十年從祀

先賢樊須 唐開元二十年從祀

先賢尚澤 唐開元二十年從祀

先賢巫馬施 唐開元二十年從祀

先賢顏辛 唐開元二十年從祀

先賢曹卣 唐開元二十年從祀

先賢公孫龍 唐開元二十年從祀

先賢秦商 唐開元二十年從祀

先賢顏高 唐開元二十七年從祀

先賢壤駟赤 唐開元二十七年從祀

先賢石作蜀 唐開元二十七年從祀

先賢公夏首 唐開元二十七年從祀

先賢后處 唐開元二十七年從祀

先賢奚容蒧 唐開元二十七年從祀

先賢顏祖 唐開元二十七年從祀

先賢句井疆 唐開元二十七年從祀

先賢秦祖 唐開元二十七年從祀

先賢縣成 唐開元二十七年從祀

先賢公祖句茲 唐開元二十年從祀

先賢燕伋 唐開元二十年從祀

先賢樂歆 唐開元二十年從祀

先賢狄黑 唐開元二十年從祀

先賢孔忠 唐開元二十年從祀

先賢公西蒧 唐開元二十年從祀

先賢顏之僕 唐開元二十年從祀

先賢施之常 唐開元二十年從祀

先賢申棖 唐開元二十年從祀

先賢左邱明 唐貞觀二十年從祀

鳳凰閣志 卷一
先賢秦冉 唐開元二十七年從祀明嘉靖九年罷國朝雍正二年復祀

先賢公明儀 國朝咸豐三年從祀東廡同治二年移祀西廡

先賢公都子 國朝雍正二年從祀

先賢公孫五 國朝雍正二年從祀

先賢張載 宋淳祐元年從祀

先賢程頤 宋淳祐元年從祀

先儒穀梁赤 唐貞觀二十一年從祀

先儒高堂生 唐貞觀二十一年從祀

先儒董仲舒 元至順元年從祀原祀東廡國朝同治二年移祀西廡

先儒毛萇 唐貞觀二十一年從祀

先儒杜子春

唐貞觀二十一年從祀原祀東廡國朝同治二年移祀西廡

先儒諸葛亮

國朝雍正二年從祀東廡乾隆二年移祀西廡

先儒王通

明嘉靖九年從祀原祀東廡國朝同治二年移祀西廡

先儒韓愈

宋元豐七年從祀

先儒胡瑗

明嘉靖九年從祀

先儒韓琦

國朝咸豐二年從祀東廡同治二年移祀西廡

先儒楊時

明宏治八年從祀原祀東廡國朝同治二年移祀西廡

先儒尹焯

國朝雍正二年從祀

先儒胡安國

明正統二年從祀

先儒李侗

明萬曆四十二年從祀原祀東廡國朝同治二年移祀西廡

先儒呂祖謙 宋景定二年從祀原祀東廡 國朝同治二年移祀西廡

先儒袁燮 國朝同治二年移祀西廡 七年從祀

先儒黃幹 國朝雍正二年移祀西廡 二年從祀

先儒蔡沈 明正統二年從祀原祀東廡 國朝同治二年移祀西廡

先儒魏了翁 國朝雍正二年移祀西廡 國朝同治二年移祀西廡

先儒王柏 國朝雍正二年從祀東廡 國朝同治二年移祀西廡

先儒陸秀夫 國朝咸豐元年從祀

先儒許衡 元皇慶二年移祀西廡 年從祀

先儒吳澄 明正統八年從祀嘉靖九年罷 國朝乾隆二年復祀原祀東廡同治二年移祀西廡

先儒許謙 國朝雍正二年移祀西廡 國朝同治二年移祀西廡

先儒曹端

國朝咸豐十年從祀東廡同治二年移祀西廡

先儒陳獻章

明萬曆十二年從祀

先儒蔡清

國朝雍正二年從祀

先儒王守仁

明萬曆十二年從祀原祀東廡國朝同治三年移祀西廡

先儒呂坤

國朝道光六年從祀

先儒黃道周

國朝道光三年從祀東廡同治二年移祀西廡

先儒湯斌

國朝道光三年從祀東廡同治二年移祀西廡

崇聖祠東配首壇

先賢孔氏

孟皮國朝咸豐七年配享

共賞山丸

國牌

共望保東出官飲

共賞山丸

同回前二半發西無

共賞山丸

同回前二半發西無

共賞山丸

同回前二半發西無

共賞山丸

同回前二半發西無

共賞山丸

同回前二半發西無

共賞山丸

同回前二半發西無

共賞山丸

同回前二半發西無

關聖大帝廟

羊... 香案刺... 香案具實

咸豐三年十月內閣奉十 豆十 朕共一 內刺

上諭禮部等衙門議奏 刺... 登一

關帝陞入中祀禮節一摺我朝尊崇

關帝祀典攸隆仰荷

神威疊昭顯佑本年復加崇 正月十三日旨祭關帝

封號併陞入中祀茲據禮部等衙門詳覈禮節謹擬具奏

著照所議自明年春季為始悉照中祀禮舉行樂用六成

舞用八佾以昭崇奉而答 二日各衙門大堂... 珠朝

神庥餘依議欽此 四年正月湖南巡撫准咨

禮部奏准通行典禮陳設

春秋致祭前期齋戒二日各衙門大堂設齋戒紅牌

五月十三日告祭致齋一日不作樂不徹饌供品

鹿兔果酒其餘禮節與春秋二祭同

後殿各事宜均照舊例惟五月十三日告祭禮節供品

與

前殿同

前殿位前籩豆案一

陳設爵墊一

爵三

登一

銅

二

籩二

簋二

籩十

豆十

俎共一

內陳

牛一

羊一

豕一

香案陳銅鑪一

香靠具實

炭鑿一前八銅燭臺二設六兩重黃蠟二枝

春秋二祭樂章

迎

神

懿爍兮焜煌

神威靈兮赫八方偉烈昭兮累禩祀事明兮永光達精誠

兮黍稷馨香儼如在兮洋洋

奠帛初獻

翊平之章

英風颯兮

神格思紛綺蓋兮龍旗射桂酌兮盈卮香始升兮明粢惟

降鑒兮在茲流景祚兮翊昌時

亞獻 恢平之章

醴再酌兮告虔舞干戚兮合宮懸歆苾芬兮潔蠲扇

魏顯翼兮

神功宣

終獻 靖平之章

鬱鬯兮三申羅籩簋兮畢陳儀卒度兮肅明禋

神降福兮宜民宜人

徹饌 彛平之章

物惟備兮咸有明德惟馨兮

神其受告徹兮禮終罔咎佑我家邦兮孔厚

送神 其一 康平之章

幢葆葳蕤兮

神聿歸馭鳳軫兮驂虬駢降烟煜兮餘飭馐願回靈盼兮

德合明威

望燎 其二 康平之章

焜蒿烈兮燎有輝

神光遙燭兮祥雲霏祭受福兮茂典無違庶楊駿烈兮永

奠疆畿

春秋二祭祝文

鳳凰鳳志 卷一
致祭於

忠義神武靈佑仁勇威顯護國保民精誠綏靖翊贊關聖
大帝曰惟

神星日英靈乾坤正氣允文允武紹聖學於千秋至大至

剛顯神威於六合仰聲靈之赫濯崇典禮於馨香茲

當仲春用昭時饗惟祈

昭格克鑒精虔尙

饗

五月十三日祝文

惟

神九宇承庥兩儀合撰崧生嶽降溯聖誕之靈長日

中屆恢臺之合序聰明正直壹是也千秋徵肝饗之

隆盛德大業至矣哉六幕肅馨香之薦爰循懋典式

展明禋苾芬時陳精誠

鑒格尙

禮部咨開咸豐五年七月內閣奉

上諭太常寺奏遵查

關帝先代封爵應否推崇加封請旨一摺前以

關帝神威顯祐特加

典禮

封號並陞入中祀茲據太常寺查明

關帝先代對爵並應否核照

文廟崇聖祠例加封請旨定奪自應敬謹加封以示尊崇
關帝會祖光昭公著加封爲光昭王

祖裕昌公著加封爲裕昌王

父成勇公著加封爲成勇王所有應辦事宜著該衙門查
例具奏欽此
五年十月湖南巡撫准咨

後殿春秋二季祝文

惟

王世澤覃庥合儀裕後靈鍾河嶽篤生神武之英誠溯淵

源宜切尊崇之報班爵超躬桓而上升香肅俎豆之

陳茲際仲春秋爰脩祀事尙祈

昭鑒式此苾芬尙

饗

五月十三日祝文

惟

王迪德承家累仁昌後崧生嶽降識毓聖之有基本本水

源宜推恩之及遠封爵特超於五等馨香永薦於千

秋際仲夏之屆時命禮官而將事惟祈

昭格鑒此精虔尙

饗

同治九年正月內閣奉

上諭李鶴年奏神祇迭著顯應懇加封號並賜匾額一摺
咸豐三年暨同治元年並四五六等年髮捻各逆撲犯
河南省城及南陽府鄭州睢州武陟各府州縣仰賴

關帝城隍神靈默佑均得轉危爲安實深寅感著南書房
恭書匾額各一方交李鶴年懸挂河南省城都城隍縣
城隍南陽府縣城隍鄭州睢州武陟

關帝城隍各廟用答

神庥至所請各加封號之處著禮部議奏欽此

旋據禮部奏稱
關聖帝君封號屢經
勅封忠義神武靈佑仁勇威顯護國保民精誠綏靖字樣
臣等公同商酌擬請

勅加封號字樣進呈
欽定等因奉
御章鈐出翊贊欽此

同治九年九月十五日湖南巡撫准咨

文昌帝君廟

咸豐六年十一月內閣奉

上諭嘉慶六年欽奉

諭旨

文昌帝君主持文運福國佑民崇正教闢邪說靈蹟最著海內崇奉與

關聖大帝相同允宜列入祀典用光文治欽此當經禮部

太常寺奏一切禮節祭品與

關帝廟同現在

關聖大帝已陞入中祀

文昌帝君應一體陞入中祀以昭誠敬一切典禮著該衙

門妥議具奏欽此旋經禮部議奏一切禮節樂章議

均按照

關帝廟舉行惟佾舞查例載章

先師孔子廟文舞六佾茲請按照

先師孔子廟舞用文舞六佾等因

咸豐七年正月十六日湖南巡撫准咨

春秋二祭樂章

迎

神

不平之章

秉氣兮靈躔翊文運兮赫中天蜺旌兮戾止雕俎兮

告虔迓

神庥兮於萬斯年

奠帛初獻

叙平之章

神之來兮籩簋式陳神之格兮几筵式親極昭章兮靈貺

致蠲潔兮明禋升香兮伊始居歆兮佑我人民

亞獻

煥平之章

再酌兮瑤觴燦爛兮庭燎之光申虔禱兮

神座儼陟降兮

帝旁粢醴潔兮齋遯將綏景運兮靈長

終獻

煜平之章

禮成三獻兮樂奏三終覃敷元化兮繁

神功馨香達兮肝鬲通歆明德兮昭察寅衷

徹饌

蔚平之章

備物兮惟時告徹兮終禮儀

神悅懌兮鑒在茲垂鴻佑兮累洽重熙

送

神

蔚平之章

其一

雲駢駕兮風旗招

神之歸兮天路遙瞻翠葆兮企丹霄願迴靈眷兮福我

朝

望燎

蔚平之章

其二

烟燼降兮元氣和

平之章 其二

神光燭兮梓潼之阿

化成者定兮夔弓戢戈

文治光兮受福則那

三王廟

三王位號自嘉慶二年三廳苗疆底定仰賴

神威紳民稟請前總理邊務鳳凰廳傅蘊詳經

前

公中堂福督部堂畢

奏奉

勅封

長為靖遠侯次為鎮遠侯又次為綏遠侯均冠以宣威

助順四字欽此道光十二年官軍平定江華逆猺趙
金隴十六年迅獲本城兇犯鍾潮棟等以及接歲祈
求晴雨無不應時十七年紳民稟請前鳳凰廳姚華

佐詳經

前

督撫部院

奏奉

勅加靈應欽此二十七年平定乾州匪苗石觀保等兩廳紳

民稟請前陞道呂恩湛詳經

前

督撫部院

陸費裕奏奉

勅加保安欽此咸豐四年粵逆攻陷常德府城上游官兵防

堵辰龍關

神旆顯靈賊鋒迴竄繼復平定永順縣土匪彭蓋南等

六年上游廳縣轉據各紳民稟請前陞道翟誥詳經

前督部堂官
撫部院駱奏奉

上諭晉封為

宣威助順靈應保安靖遠王鎮遠王綏遠王欽此五年

貴州銅仁匪徒竄撲鎮城迭荷

神威官兵大捷肅清邊境越復鄰城七年紳民稟請前

陸道翟誥詳經
前督部堂官
撫部院駱奏奉

勅加顯佑欽此同治元年粵逆竄楚攻陷會同瀘溪兩縣擾

及黔麻兩邑乾永兩廳接涉鳳邊尤為切近均沐

神靈顯赫迅掃狂氛五屬紳民分請署鳳凰同知俞晟

乾州同知恩綬永綬同知陳秉鈞黔陽知縣黃杰麻

陽知縣榮懷珍轉稟前陞道兆琛適兆又以上年親

身帶勇援剿貴州黎平屢沐威靈詳經

督部堂官
撫部院毛

奏奉

勅加護國欽此

三王傳略

間嘗歷訪 三王出身事蹟言人人殊卽徵考遺編

亦多牽會茲得都吾楊氏前朝譜牒證以舊聞似堪

依據謹按譜載 三王降神之始本龍種也爲靖州

蒙姓外孫嗣繼於涇陽楊氏

涇陽縣遺址在廳西南
六十里鳳凰營山側建

置詳前
沿革志 當宋徽宗朝有楊昌除者官昭信校尉重和

二年以剿平皮厯竹灘古州八萬苗蠻功封顯武將

軍復討降靖州猺犵投宣撫軍民總管專制靖州

譜中

所列官爵多非宋制想由相傳謬誤地有洞天厥名龍鳳是藏靈蹟每

化人形巾服麗都居然雅士漸與通材蒙翁交厚蒙

有田沿洞側恒憂乏水一日私祝曰有能澤茲荒瘠

吾當以女妻之靈銳自承俄而勝畔泉生徧成良沃

蒙遂贅靈爲婿居歲餘了無他異惟豪飲千觴不醉

爲眾所驚靖康丙午元年姻黨賀春賓筵盛集蒙女

戲語家人曰郎平日不喜酸今試置醯酒中或可醉

也如其言靈醉奮現龍形掣霧攬空飛去女娠失耦

痛悔莫追是年五月五日申時一產三男狀皆魁猛
命名金龍金彪金纂卽三王也未幾蒙女病亡蒙
翁以孕感非常懼貽殃咎心惡之會先夕昌除夢三
飛熊遊戲宣司庭下一白一赤一黝詰旦聞蒙家生

三子色與夢符亟往乞歸載名楊氏家乘嗣爲已後
論派易金而勝垂髫疑爽見者咸敬畏焉紹興八年

因被虜徵昌除計事入朝委其姪勝芳暫權總管昌

除遂使牙將田文侯守黎平蘇尙德守潭陽

卽今沅州府治

單車抵澗時臨安草創賊檜柄權和局已成而昌除

猶專戰議隱逢奸怒羈困十年卒寃死朝臣訟枉迺

鳳凰鳳元 卷一
封長子襲父官而命餘子及姪分領部軍羣心始定

後數年辰郡土蠻叛賊首襲之德之奇兄弟據堡市

龍寶寨偽號羅王別窟四都坪龍潭橋焚掠瀘麻一

帶而杜夜在廳治東十里蠻酋何車者尤梟橫僭稱雞冠大

王高都亂民周彥周德星勾尙苗應之精挑悍賊九

千蹂躪楚邊湘西大擾常德郡守鄔爾榮請發大寇

併剿薦三王雄武有戡亂才兼值賊踞故鄉籌國

保家合當盡力當事爲之奏遣王率健將三十六

人領勁兵首征襲逆殲渠散脅彌月事平進壁涇陽

聯營五寨明設五寨長官司卽今廳治確探賊多且

經歷衙署土人猶稱五寨司

銳計非智取恐蹈僨軍因示弱以誘之賊獷不疑爰

布深謀引賊奇梁道上竭終宵之力全數殄誅乘勝

破其巢惟何其鬼脫王親馳捕見首飲於井者發

矢殪之則何車也民頌厥功有三十六人殺九千殺

到奇梁洞門前之謠流傳豔誦奇梁洞在乾南鳳北官道迤西距廳城十

里故老傳聞當時何車空羣大至王率眾賣牛酒

設計邀迎牛肉皆帶皮燻烹酒中雜投烏喙囊輸貨

貝陳綴路隅苗見之喜遂拔刀割肉恣意叨酣晚皆

露卧田間夜中王偵諸健兒分投擊斬曹騰偃仰

身首橫分間有聞聲驚覺者肢骸困輓噤不車附近
能呼入鞘佩刀又為牛膠凝錮遂殲無噍類
何車并盛甲田及犒師之殺牛坪諸名蹟皆當日銘
勳誌慶雖千載猶襲舊稱云蠻境既平邊帥上其功

鳳凰鳳志 卷一
帝欲親觀狀貌譜載高宗別傳云孝宗傳急詔 三王遂詣臨

安壯烈趨朝其顧盼威神能使在廷傾動奸臣尤悚

惜因誣劾以恃功驕蹇陰蓄異謀應宜迅遣還州暗

除殷患上可其奏即日厚頒珍物副以上尊潛置醜

而 三王不知也泰謝出都弗停暑刻六月初六抵

桃源之白馬渡景當亭午行李在舟酷暑方蒸共啟

黃封解渴歡酬引滿末以殘瀝賜篙工迨維舟牽馬

望空遽各冥然溜落從人趨掖已相繼告殂返視舟

師亦亡舡次後祀為辰州送神土地駭揣罪嬰帝謹不敢悲號

殮裹三屍倉皇夜遁折苧麻以驅蠅蚋祭燒蜜滓為

香譔溜落之詞行歌代哭

至今廳屬楊田蘇三姓凡遭喪事巫史薤歌名達溜

落又曰跳排跳排云者曩日愴懷蹕踊排遣哀衷之意祭祀必焚黃蠟支片瓦為鑪禮由茲始

三馬

斷韁奔返月之十九

王槐到家馬已先期並陪

舊例

每歲自小暑節前辰日起至節後已日止合十偕葬四日為三王奉諱齋期官示禁屠民遵素食

靖州渠河龍形地之原

王薨之年著稱不一

譜載高宗

紹興庚午距靖康丙午五歲別傳云孝宗淳熙庚子

王生之年纔二十年

後二載

英魂顯譟於杭簪笏隊中手搯奸臣立斃連日風霆

晝晦形現殿庭帝尋悔而封之命祀專祠

一建乾州鴉溪一建

鳳凰觀

題主北陰總管其晉稱

白帝天王則由呼

籲乞靈庶姓尊加之號也

國朝嘉慶初屢因摧敵捍城

錫封 長為靖遠侯 次為鎮遠侯 三為綏遠侯均冠

以宣威助順四字咸豐後

增勅為王歷加封號曰靈應保安顯佑護國自是焜煌黼

冕永奉彝章丹碧與輪普新祠宇固

朝廷報功之懋典亦 三王聲靈赫濯自有以播馨俎豆

於無窮猗歟盛矣

附錄靖疆營重修天王神廟碑

命駐劄算城既而以查邊過

五十有二年余奉 乾乾之陽有廟且舊榜其上曰 天王廟余不知其

所由進父老而問之父老曰 神由進父老而問之父老曰 神之廟食於茲土者

四百有餘歲矣有大廟在鴉溪此其拜亭也所謂

三王者蓋兄弟云 長曰金龍 次曰金彪 又次

今天子御極

曰金纂出於楊爲宋名將業八世孫宋南渡孝宗
朝奉命征討辰蠻拓九溪一十八洞時苗與獠合兵
皆一戰擊走之追至奇梁洞殲其渠魁何車斬首九
千餘級蠻畏其威民懷其德遂立廟以祀之厥後靈
爽在天數顯神異宋朝嘉其忠義錫以王爵歷元明
以至我朝福善禍淫捍患禦災赫如也數百里
之間自居民及苗蠻有曖昧隱情國法不能得者
臨之以神輒盡言無隱甯死不敢入廟人有不信
者誓言於神終身不敢渝渝則必殛之如其誓遠
方之人有所籲請輒昇至其地其應如響父老之言
如此余謂生能武功世其家爲朝廷掃蕩邊氛死能
震動禍福其民以廟食百世古之奇男子也庶幾哉
與漢漢壽亭宋武穆爭烈矣禮曰以勞定國則祀之
能捍大患禦大災則祀之有一於此足以不朽况兼
之者乎余既作新其亭之廟又從而爲之記蓋欲以
父老之所傳聞補史臣載筆之所不及云康熙五十
四年歲次乙未季春中澣穀旦立中憲大夫分巡辰
沅靖道按察使司副使加二級周文元謹記述傳

乾隆庚子榜眼儀
徵江德量林叟撰

偶閱苗防備覽雜識內有叙三王事較原本各說似
有把握特錄入以備參考

五溪蠻所祀白帝天王神三人面白紅黑各異報賽
甚豐苗民畏之詳風俗門中各書載神姓名事蹟不
同辰州志以爲漢田疆之三子分居中城上城下城
自保以拒王莽者然今神像只三人果爲疆子則三
子之忠義皆秉其父命不應舍父而祀其子且東漢
建武中武陵蠻不靖朝廷屢用兵伏波將軍進征至
壺頭疆旣以漢臣自矢何史傳竟無田姓子弟從役
伏波者則未可據也瀘溪各志述史記西南夷傳剖

竹中得小兒長爲夜郎侯漢武誘殺之子三人皆蠻
所推而第三子尤雄勇後人以竹王非血氣所生有
神靈爲立廟以祀今廟中神狀三郎尤猛烈爲苗所
畏當疑卽此也但夜郎地在楚蜀之間爲今思南一
帶去五溪尙遠又蠻民所虔者竹王亦不能舍竹王
不祀更不足據也惟永綏沅州誌中言有辰州人楊
名瀨者兄弟三人皆爲宋驍將當苗出沒爲害領衆
擊之知苗貪飲食多宰牛豕煮之懸林間苗爭相食
啖出不意大破之遂開九溪十八洞僅留吳石龍麻
廖五姓殘苗後反命人忌其功遺以藥酒同時俱殞

乃小暑節也今此節爲苗中所最重且楊墓在黔陽
託口似實有所據而頗以他書楊產靖州墓在黔陽
爲疑不知沅靖二州宋時皆南江地本羈縻於辰州
且如辰誌所言則忠在拒莽而於蠻無功如史記所
傳則特蠻州祖先盤瓠廩君之屬亦不必爲蠻畏如
此獨所傳楊氏兄弟者能捍大患而以死勤事生爲
蠻民所惜服宜其沒而蠻尤懼之也蠻徼荒陋文獻
無徵姑存此數說以佚博雅君子

鳳凰廳續志

學校志

文廟

謹按廳城

文廟創自康熙四十九年巡撫趙恭毅公申喬巡道孫調鼎捐廉董率肇締規模後經節次拓修漸增完備然
地基弗廣局勢殊低正面覺牆外迫接民居尤爲偪
迫原設東首柵門布露街隅難容趨步每值祭丁釋
菜官生執事必由學署便門轉折而人西首配建之
門僻處道署科房之後與外路絕不相通且正殿嚮

鳳凰廟志 卷二
方亦乖形勢經時久遠做朽相仍多士籌商正圖更
造道光十六年同知姚華佐護權道篆候牧楊超任
接署廳丞前四川提督果勇侯楊芳亦奉

旨來鎮時則蕭稂甫雍庶政維新歲稔民和徵修廢墜
聖廟興工之舉詢謀僉同衆諭楊侯習知青鳥家言遂立
大廟意移遷向值鼎建庭楹先取教諭署後迤左羣房拆
築正殿屋基稍後係道署屯防冊庫迺以舊照牆內

又鳳閣地換易築作

崇聖祠基址舊基坐北朝南亥新廟移向稍東庚正殿三

鳳凰閣基高八尺中柱自頂至地高四丈有奇後殿地勢

原高加增臺基屋宇高二丈有奇正殿前爲露臺中
嵌龍石左右側階周迴石欄城級如式露臺下爲行
禮丹墀計寬九丈一尺長九丈五尺旁建東西兩廡
各三間品度高寬與正殿相稱兩廡上首各構廂房
二間用藏籩豆俎尊樂懸禮器稍前左右對建鐘樓
鼓樓各一座正中爲

大成門三間門外左右排建名宦鄉賢孝義等祠及省
牲更衣等所各一間前爲泮池中接泮橋俱有石欄

周護再前爲

櫺星門石柱高二丈餘自

大成門至照牆共長十丈四尺兩旁迴廊周繞直接禮門義路兩門各高一丈五尺內而宮祠棟宇外而廊舍垣墉悉皆樸斲精堅陶埏厚實與輪騫翥丹藻鮮明制度較前迴增崇壯矣正面黌牆外新闢橫街一道左自標營路東右通學署頭門之左長計二十餘丈寬幾二丈中段割取考棚後院餘地右折學署齋房隙地墜下馬碑以達義路官道中段左首係黃姓捐割住宅基址墜下馬碑以達禮門官道再左係瞿姓圍地再左街口係用田姓屋基而以公買麻姓屋基價銀二百兩與田姓相換兩頭街口並建磚坊

二座左額聖域內署德配天地四字右額賢關內署

道冠古今四字周圍翼牆共長七十九丈五尺大工

經始於道光丙申冬落成於己亥秋共費工料制錢

七千餘緡皆由道廳官紳民苗捐助工竣彙冊詳邀

獎叙有差是年丁酉鄉闈拔貢楊通昶獲雋當廟工甫畢官紳首事多沐升遷建廟碑文尙稽

誤 泐

道光十九年八月建修

文廟大工完畢所有

大成殿兩廡禮設

先師 四配 十二哲暨先賢先儒神牌神主當經一律

整造精嚴卜期安安恭懸歷次奉頒

御書匾額咸遵舊式

大殿正中恭懸康熙二十三年

御書萬世師表金字題額雍正四年

御書生民未有金字題額乾隆三年

御書與天地參金字題額嘉慶四年

御書聖集大成金字題額道光元年

御書聖協時中金字題額咸豐元年

御書德齊懋載金字題額同治元年

御書聖神天縱金字題額

殿廡龕座陳設內凡香案香鑪燭臺外而燎鑪瘞坎悉
皆更換一新其舊用俎尊禮器鐘鼓樂懸以及祝版
胙盤亦均修補齊全敬藏別室

教諭衙署原建

聖宮之左今既改移轉屬居右署中惟

明倫堂以內更移方向其頭門照牆尚皆原置一切規

制詳叙官署志中

聖宮大成門外墀左銀桂一株為道光壬寅學官徐壽昌臨行

手植墀右配樹丹桂一株為咸豐辛酉學官陳鳳喈到官添種現均鬱然蒼秀高可蔽簷每際花時秋香

四播

同治七年十一月二十五日戶部等謹

奏爲遵

旨議奏事湖廣總督李鴻章奏統領營官等願將歷年欠
餉報効懇請廣額一片同治七年七月二十三日軍
機大臣奉

旨該部議奏欽此欽遵由內閣抄出並據該督開列清單
於十月十三日咨送到部據原奏內稱貴州古州鎮
總兵劉士奇統領湘勇七營截至同治五年年底止欠
餉湖北宜昌鎮總兵黃中元統帶湘勇二營截至同
治六年年底止欠餉山西布政使劉秉璋統領淮勇兩
營

歐陽積福管帶親兵水師新營叅將黃金綬管帶水師新後營均截至同治六年底止欠餉江南提督李朝斌統領太湖水師十一營截至同治四年底止欠餉據各統領營官先後報稱現值餉源支絀積欠過鉅傳集哨勇曉諭大義情願將歷年欠餉全數報効請奏分別廣額當經飭蘇省軍需報捐總局核議該局詳稱水陸各營欠餉實數共計報効欠餉銀四十二萬五千二百七十七兩一分三毫六絲營哨官弁籍隸湖南居多所部勇丁大都皖北江淮人核計欠餉爲數甚巨應分別酌議加廣中額學額查部定章

程紳士商民捐資濟餉一省捐銀十萬兩加一次文武鄉試中額各一名又廳州縣捐銀二千兩加一次文武學額各一名如指數多仍不得浮於原額准其遞行推展損銀一萬兩准廣文武學永遠定額各一名以十名爲限等因今核查報捐銀數與該官弁勇丁原籍應請以三十萬兩加廣湖南安徽江蘇三省一次文武鄉試中額各一名以三萬兩加廣湖南鳳凰廳文武學定額各三名餘省縣文武學額照此加廣以昭激勸除將各營員欠餉實數開單咨部查核外合無仰懇

天恩飭部核覆施行等語戶部查捐輸廣額章程凡一省捐銀至十萬兩者加廣一次文武中額各一名一廳州縣捐銀至一萬兩者加廣永遠文武學額各一名捐銀二千兩者加廣一次文武學額各一名同治五年該督李鴻章在署兩江總督任內奏請將淮陽水師員弁哨勇捐輸欠餉銀二萬兩加廣湖南原籍祁陽縣學額又同治六年該督奏請准陽提督水師續捐欠餉銀十七萬七千七百兩零加廣湖南湖北各縣學額均經戶部等部議覆奉

旨允准在案今據該督奏稱總兵劉士奇等各統領營內

欠餉截至同治四五六年底止共實報効銀四十二萬五千二百七十七兩零該營哨官弁籍隸湖南居多所部勇丁大都皖北江淮人請以銀三十萬兩加廣湖南安徽江蘇三省一次文武鄉試中額各一名以銀三萬兩加廣湖南鳳凰廳文武學定額各三名餘省縣文武學額照此加廣核查捐輸廣額章程及歷屆成案均符應請照准至所加學額應於何時取進並有無浮冒原額之處禮部查湖廣總督李鴻章奏稱總兵劉士奇等願將各營欠餉報効懇請加廣湖南安徽江蘇三省一次文武中額並各學學額既

據戶部核計銀數與奏定章程相符臣部覆查無異
所加廣湖南安徽江蘇一次文武中額各一名應自
庚午科取中其請加湖南鳳凰廳文學定額三名均
無浮於原額應請照准再查本年九月會議新章各
府廳州縣廣額較多之處除原額及永遠定額仍照
數取進外如一次廣額請比

恩詔加額之例大學七名中學五名小學三名餘額分屆
遞廣並聲明於下屆科試爲始按照新章辦理等因
奏准通行在案茲加廣湖南安徽江蘇等省學額應
統計前案所廣及此次所廣各一次學額除本屆歲

試仍照舊章取進外如有未經取進額數卽自下屆科試始按照新章辦理兵部查湖南鳳凰廳武學原額六名據湖廣總督李鴻章奏稱總兵劉士奇等所部水陸各營員弁籍隸湖南勇丁大都皖北江淮共計報効欠餉銀四十二萬五千二百七十七兩零請以銀三十萬兩加廣湖南安徽江蘇三省一次武鄉試中額各一名以銀三萬兩加廣湖南鳳凰廳武學定額三名既據戶部核計銀數與奏定章程相符所加湖南安徽江蘇一次武中額各一名應自庚午科取中其請加湖南鳳凰廳武學定額並餘省縣除湖

南善化湘潭二縣議改外均無浮於原額應行照准
以上所加武學額均自本科歲試爲始如歲試業已
舉行卽自下屆歲試爲始分別取進以符定章恭候
命下由臣部行文遵照辦理所有遵
旨議奏緣由謹會摺具奏伏乞

皇太后

皇上聖鑒謹

奏本日奉

旨依議欽此

敬修書院前志詳定條規每歲甄錄正課生員十六

名附課生員十六名正課童生二十名附課童生二十名各給膏火銀兩有差額外附課不限名數不給膏火續因查減屯租案內公費不敷遂將原額課生節經裁撤現在歲取正課生員十二名附課生員十名正課童生十名附課童生十二名按月膏火銀改支屯穀每銀一兩折穀一石應領月課飯銀改爲官課前列獎賞每課生童第一名各獎屯穀三斗第二名各獎屯穀二斗第三名各獎屯穀一斗若官課另添捐獎或銀或錢豐儉隨時不在此數嗣是歷延館師俱於本廳敦擇品優學粹齒德交推之舉人拔貢

專司講席勿庸外請免俟程途往返稽誤課功歲致
束修薪水等銀一皆改送屯穀以歸畫一

溯按屯防舊章每逢鄉試賓興例給卷價川資由道
飭查鳳乾永保四廳縣科考院案自三等三名以上
並六屬書院本年取錄正課諸生及設屯首事均田
大戶子孫之在庠者一律各發卷價銀二兩盤費銀
十兩據案先期支付繼因屯款不敷暫籌川銀改支
屯穀卷價給銀如故咸豐乙卯以來又因屢墊援鄰
軍餉並將前項銀穀通融撙節折發六成厥後仍形
支絀再行酌減給銀六兩至期預差屯弁攜銀赴省

鳳凰鳳云 卷二
驗查冊名核實散關毋滋冒濫 以上改發折發擄
發各款原議比因近歲屯儲虛乏一時從權縮省且
衷割官胥雜領不止賔興一項爲然統俟將來積備
稍充均應照歸原則以符邊防經制

又按前志載有書院學田擇紳經營得租變銀按月
給散諸生首事二人歲給辦公銀四十兩等語查此
項學田並無坐落地段收租數目現在書院經費皆
由道署屯穀開銷則志載學田自係業歸官管而董
事首紳辦公銀兩諒早一併奉裁今惟道光十七年
廳紳捐助水田二處及公置房屋數間所收租賃錢

文或作 文廟暨書院歲修或給賓興旅費或幫童
試卷資向爲散紳隨時收取其中不無淆混同治六
年經閩學公呈前道請將田房各租歸於書院山長
經理逐款按期收發批准泐碑轉行飭遵在案嗣是
迭經遵辦十二年書院館師呈請每歲遴派齋長二
人董飭學規兼稽出納年終量酬資給亦苟允行

田房租賃款目

濫泥溝田歲收租課拆錢十二千文內以十千 存

作學宮歲修以一千作收租人盤費以一千作書

院齋夫賞號

此田係田祖貴舊欠監生吳興禮紋銀二百兩多年本利無歸田祖貴又

將業田當與蔣萬邦名下價錢三百千文結算歷
年應還籽粒錢六十千文屢索不獲道光十六年
官紳興建學宮經吳興禮蔣萬邦同將欠項銀
錢當業田坵捐作歲修之費當官查傳田祖貴照
契著追實因無力呈繳憑中滕家明舒士俊田祖
禮書立繳田契約情願將已業屋對門庵堂邊上
壩三處田大小共二十二坵二截計種八斗一併
繳出任從學宮首事另標收課變價歸公若有
異言自甘服罪道光十七年
正月二十四日契存廳卷

懶板癸田歲收租課拆錢五千文

此田係黃絲橋廖姓於道光十三年

十二月十二日得當滕鍾英滕鍾明兄弟轉當江
姓之業地名懶板癸早田二坵又白竹灣坵田井
田長田三坵一共五坵計種二斗五升又白竹灣
長壘畚土一段又蝦蟆井大坡脂二處共畚土一
段原當價錢六十千文十九年加過錢四十六千
文同治元年又加過錢二千五百文前後憑中董
國仁秦興梁楊通武秦興太聶心文等為因租課
不清經廖姓於同治六年四月初一日當官捐入

書院管業
招佃收租

書院頭門左首間壁房基地每年地課錢三千文
貴上三款共收錢八千文存作書院歲修

書院頭門右首間壁店房每年店租錢三十二千文
老書院公館每年房租錢四十八千文

學宮前佳屋六間每年房租錢二千五百文以
上三款共應歲收租錢一百零五千二百文統歸

書院齋長二人經管每歲中元提錢六千文作爲
祭資又提錢八千文分給齋長二人稍酬勞勸計

除每歲共提錢十四千文外餘錢積作賓興旅費

及童試卷資屆期集錢剖為三股以二股給鄉試
盤川以一股作院試歲科文章卷價無論人數多
寡悉照廳學冊案品兌均分

舉貢入都支領盤費

凡鳳乾永保四廳縣新中舉人暨田字號新中舉人
會試入都按由道署屯防每人給發盤費穀貳百

石道光二十八年
善後奏案拔貢入都每人給發盤

費穀壹百貳拾石道光二十九年己酉
科呂道籌款通詳案

又按屯防初建經前升臬司傅鼐詳准鳳凰廳屬

奏設苗民義館五十處分布民村苗寨審擇鄉場適中

之地安置學堂由道考取生童館師專司課讀於以
化愚頑而隆作育載入經制永遠遵行歲支脩脯由
銀改穀舊惟本城東西鎮轅二處稟給稍豐每歲額
穀二十四石餘皆額穀十六石各赴就近屯倉按時
支領共該發穀八百二十四石歷皆循守頗著功勤
咸豐四年屯儲支絀先儘奏詳籌三案中辦公津貼
惠賞補修諸款或停或減仍屬不敷遂取城鄉義館
擬裁十餘處可省屯穀二百二十餘石藉填公楮虧
空諭令屯旂土備量地酌抽去後旋據屯旂土備暨
館師等議覆咸稱額館久經分定未便懸揣去官

裁法在必行更未敢求恩阻止眾等公同酌議請將
城鄉原設各館師應給歲支屯穀項下每石撥發二
斗七升共撥穀二百二十餘石可抵公精裁餘之數
似於公私款額兩不相妨當奉據呈批准照行在案
現今本城三館每館歲支屯穀一十七石六斗各鄉
小館每館歲支屯穀一十一石六斗八升

又按書院月課向例每年以十個月爲期每月巡憲
官課二次山長堂課一次官課每次生童前三名合
計獎穀一石二斗堂課舊無獎項同治辛未秋太谷
杜鶴田觀察履任之初月試書院課文寥寥無幾而

監院彙齋試卷遲或半月詢悉諸生大半鄉居寒峻
勢雖頻集於是特捐清俸月添生童課獎錢十二千
文案取前茅分批給領刻期繳卷不准耽延培植既
周遵承日眾更念院齋堂課造就攸關鼓勵弗彰雖
期振奮光緒元年二月臨當 陞覲重叨厚賚五

百金付首事貸商生息益增堂課月獎之貲誘掖敷
施有加無已譬如嘉穀湛渥春膏從茲壹志專勤程
功有藉肄業者其勿負此文翁教澤之貽也夫

補錄嘉慶十四年八月藩司朱紹曾奉議覆准增給
苗疆生童試資稟稿 銜爲撥田籌辦苗疆生童試
資詳明立案事案奉憲臺批據辰沅道詳稱竊照苗
疆各廳縣土子自遭苗變蕩析離居復業後縹緲桑

土棄置丹鉛雖向上有心而讀書無力是以每屆開
 考之期應試之人較少自嘉慶十二年八月內蒙憲
 臺奏准各廳縣增設書院六所屯苗義學一百館
 撥田三千九百畝作館師往來備膏火之需續蒙憲
 臺奏准鳳乾永保四廳縣民苗士子鄉試另編字
 號取中兩載以來該廳縣生童觀感興起頗知刻勵
 漸能文循法脈辭選華腴即各寨苗生童亦知循名
 責實矢志編摩感化之心蒸蒸日上凡遇鄉試歲科
 小試自應酌量調劑俾得遂其上进之心近年該生
 童凡鄉院各試盤費均經職道隨時籌給恐難為繼
 茲於鳳乾永三廳屯苗各佃新墾田內撥出田一千
 畝按畝收租變價作民苗生童考試盤費惟該廳縣
 應試之人日久漸多勢難遍及必須酌定限制庶足
 敷交給令議將鳳乾永麻瀘保六廳縣生童之錄取
 書院正課者又鳳乾永保四廳縣生員內科取正案
 者又四廳縣歲科試童生者列前十名者又鳳乾永
 瀘麻五廳縣均田歸公百畝以上之本身及子孫並
 原奏鳳乾永瀘麻五廳縣首先出力紳士之子孫
 以上該生鄉試各給盤費銀十兩該童赴府廳縣考
 試各給盤費銀一兩院試各給盤費銀四兩其有一

人而兼二三四等者止准一分不得藉詞重領至苗
童則無論是否前列十名凡赴縣廳府院試者各給
盤費銀一兩苗生則無論科試之錄取正案與否凡
赴鄉試者各給盤費銀十兩報道查核如是年並非
鄉試及歲科兩小試上年並考已畢無須發給盤費
即將銀兩存貯道庫留於下年支發如此辦理則生
童之貧乏者既不慮試費之艱其考取前茅及急公
好義之人皆有鼓勵猶必奮志青雲而邊彙諸生得
遂觀光益臻向化於培養苗疆寒畯振起文風之道
似有裨益除將田畝坵段另造細冊申報外所有苗
疆各廳縣生童應試盤費撥田籌辦緣由詳請察核
批示立案等情奉批藩司議覆本司遵查苗疆各廳
縣民苗土子應試盤費維艱自應酌量調劑俾得遂
其上進之心應請照議於鳳乾永三廳屯苗各佃新
墾田內撥出田一千畝按畝收租變價作為民苗生
童考試盤費將鳳乾永保瀘麻六廳縣生童之錄取
書院正課者又鳳乾永保四廳縣生員內科考錄取
正案者又四廳縣歲科試童生考列前十名者又
乾永瀘麻五廳縣均田歸公百畝以上之本身及子
孫並原 奏內鳳乾永瀘麻五廳縣首先出力紳士

之子孫以上諸生鄉試各給盤費銀十兩諸童赴府
 廳縣考試各給盤費銀一兩院試各給盤費銀四兩
 其有一人而兼二三四等者上准給一分不得藉詞
 重領至苗童則無論是否前列十名凡赴縣廳府院
 試者各給盤費銀一兩苗生則無論科考之正案錄
 取與否凡赴鄉試者各給盤費銀十兩由道查核如
 是年並無鄉試及歲科兩小試上年併考已畢無須
 發給盤費即將銀兩存貯道庫留於下年支發俾貧
 乏生童試費有資其考取前茅及急公好義之人皆
 有鼓勵仍令將田畝坵段造冊申送並於年終將收
 支存剩數目造冊送查以歸核實緣奉批議理合會
 核具文詳覆

補錄嘉慶十四年八月湖南藩司朱紹曾臬司傅鼐
 會議加增各廳縣書院義學經費由 銜為加增各

廳縣書院田畝詳明立案奉憲臺批本臬司前
 在辰沅道任內詳稱案查嘉慶十二年九月內奉憲
 臺 奏辦苗疆均屯未盡事宜案內鳳凰乾州永綏

二廳及瀘溪麻陽保靖等縣各設書院一所慎選師
 儒教迪考取民苗生童肄業以資造就又添設屯苗
 義學一百館合丁勇民苗子弟就近讀書以化氣質

其書院東脩膏火在於官贖均田鳳凰廳撥給五百
畝永綏廳四百畝乾州瀘溪麻陽保靖四廳縣各三
百畝共需田二千一百畝屯苗義學每館給稻穀十
六石共需田一千六百畝奏准行飭遵辦在案除
各屯義學田租足敷館穀毋庸議增外惟查鳳乾永
保四廳縣民苗諸生仰蒙憲臺奏請恭沐得與鄉
薦莫不歡欣鼓舞均思上進現在各廳縣書院肄業
較多卽麻瀘兩縣士子聞風興起亦皆敬業樂羣所
需膏火必須多爲籌備足敷支給查近年督飭三廳
屯苗各佃陸續新墾田畝現屆成熟今議於鳳凰乾
州永綏保靖瀘溪麻陽各廳縣各添撥田一百畝又
苗義學五十館除近邊十五館與各屯無異毋庸增
給館穀其餘多在深巢地方寒苦所延館師悉與內
地屯館束脩一律支送不足以示區別今議於最深
之處計五十館每館加增穀四石以昭體卹共應添
館每館加增穀四石從前原撥之田一體飭交殷實公
以上加增穀田同從前經理以增膏火束脩仍責成
正紳士及總屯長妥爲經理以增膏火束脩仍責成
道廳縣隨時稽查年終另案造冊申報查核毋庸同
原奏各條一併咨部以省案牘相應詳請俯賜查

核批示立案等情批飭查覈本司等查鳳凰乾州永
 綏保靖瀘溪麻陽六廳縣書院近來肄業諸生較多
 所需膏火自應多為籌備以敷支給應照議於三廳
 屯苗各佃陸續新墾田畝內撥給該六廳縣各田一
 百畝其在深巢地方寒苦之苗義學亦請照議將館
 穀加增最深之處計五十館每館加增穀四石共應添撥田二百
 之處計二十館每館加增田同從前原撥之田一體飭交殷實
 畝以上加增之田同從前原撥之田一體飭交殷實
 公正紳士及總屯長妥為經理以增膏火束脩仍責
 成道廳縣隨時稽查年終另案造冊實報查核毋庸
 咨部以節案牘緣奉批議相應具文會詳憲臺案閱
 批示飭遵

附考察屯苗館師章程稟稿道光十三年八月二十
 日辰沅道翟聲煥通詳為議覆責成教職稽查義館
 以收訓迪實效事案照本年四月內職道議詳由疆
 屯防事宜案內五廳縣原設屯義學五十館苗義學
 七十館議請每年由該管廳縣考取民苗生童文理
 明白者飭充館師責成各廳縣教職稽查考課按其
 勤惰分別獎罰等情詳蒙 憲臺諭覆教職稽查義
 館雖未入於條奏亦係必不可省之舉仍即專案詳

辨果能認真稽查行有成效應准其入於俸滿事實
聲請保薦以冀其踴躍從事等因奉此遵卽行飭廳
縣轉行該學去後茲據乾州廳楊丞詳稱查屯苗義
學之設所以廣宣教化培植寒儒非徒爲濟貧寒老
計也若不論人品學問概作館師倉穀虛糜難收實
效應遵憲札責成各該教官實力稽查謹案屯學館
師向係各學生員承補嗣後由該學詳加考覈在於
生員中擇其品行端方文理通順並家道實係貧寒
者方准選充如人不足取家不甚貧及已充屯長並
書院獲有正課膏火者概不准其跨占牟利倘生員
選不足數則以本屬童生中人品較優處境寒苦者
由該學教官考驗取具鄰近生員保結詳請補充所
有館穀或十六石或二十四石分夏冬二季飭令該
教官具文請領傳齊各館師按名面給以杜丁役尅
扣分肥之弊至館師功課勤惰不齊應令到館後將
所教學徒姓名人數所讀何書按季造冊報學該教
官認真抽查仍於年終甄別一次以定去留一經屢
定該教官一面造冊資廳轉報一面臚列姓名出榜
曉諭俾共見共聞不敢偷安曠課該教官如果認真
稽查行有成效或所選不實及徇情索費濫舉匪人

均歸入計典分別舉劾核辦再漢人入苗寨例禁本
 嚴館師雖非其比第恐終歲共處其人稍不純正即
 難免唆訟等弊不可不防其漸查苗童應考每歲科
 取入二名現在新生人數已多所有苗義學館師應
 先儘苗生充補或不足數方於該學生員格外慎選
 取結保充均照屯義學一體稽查責有所歸不致有
 名無實庶人人嚮學寒士可霑實惠矣職道覆查該
 丞所議尚屬妥協現在鳳永古保四廳縣未據詳到
 應請即以楊丞議覆章程行飭查照轉飭辦理再古
 丈坪廳並未設有教職該廳義館稍少應即責成廳
 丞稽查合併聲明緣奉諭飭合將飭據核議緣由遵
 照專案具詳等因十月初六日奉到
 湖廣總督部堂訥批如詳轉飭各廳縣學實力遵
 行仍稽查勤惰隨時具報此繳